

陽高縣志叙

郡縣之有志何昉乎昉於歷代之有史也代非史無以鏡政事之治忽考人物之臧否知風尚之美惡史固古今一大帳簿也自柱下史以來董狐南史以直聞左邱班馬以辭著他如蔚宗之後漢書謝氏之東觀餘論涑水之資治通鑑沈約宋書歐陽氏五代史孰非記一代之事跡而凡政事之治忽人物之臧否風尚之美惡開卷而犁然在目者哉然而考一代之典章則史可以得大略至若黃壤赤墟之各異宜黍宜稻之不同星野祠宇各仍其舊災祥曰革各隨其時以及山川之險易關塞之要害則又非史所得而詳者若乘若檣杙及十五國春秋各載一國之遺事而佐史之所不及者也禹貢經也而爲志之是源春秋經也而爲史之鼻祖記往事而垂後世炳如日星志願不重哉古者太史陳

詩而觀風司市納價而知物以故各國之正淫正變政治星野無不昭然於簡編雖無志而有志也嗣是而降太史不陳詩司市不納價而五方之風土各國之好尚渺然不獲其真且實而纂史者亦復彷彿其風景以招撫其詞又烏足以爲一方之信史也哉於是好學深思之士身任風教之責者準乘與橈杙之遺制起而立爲志以記各方之風土人物天時人事若者宜黍宜稻若者可獵可漁若者爲古聖之遺蹟若者爲後賢之芳踪若地之人物强悍而奇偉若地之人物文明而寬柔若處之山川平而易若處之關塞險而要攬之者如季子觀樂盲史吹律皆了如指掌可以弔古卽可以衡今志固與史相爲表裏分之而爲二合之而爲一者也陽高古平城地北拱居庸南臨雁門明興爲北門重鎮設總制衙門統重兵以彈壓甚要衝也迨

國家車書統同裁去重兵止設衛官一員以征收賦稅而已

今上御極之三年改爲縣制而政治規模又爲一新司政者日出其精神才猷以經營草創而筆墨之事有所未遑余適奉

簡命從平陽之新田量移鐸於此與縉紳先生及諸弟子員相周旋求縣志一閱皆曰此缺典也余以爲陽高雖處邊塞其地可以耕其民可以治其間倜儻不凡挺然崛起之士以及忠臣義士孝子節婦亦未嘗無人特以記載無屬始而嘖嘖人口終焉名湮沒而不彰者可勝道哉卽一二有心之士珥筆而記亦略焉弗詳散而無統究與無志等余不揣淺陋欲與諸君子纂集爲志特是余聞之史有二長之目焉才學識備之余何人斯而敢當此任乎雖然余不過考諸學士之記載訪諸父老之傳聞傳其信不傳其疑爲其詳不爲其略雖或挂一漏萬亦不遑計

也聊使一邑之風俗好尚人才物產以及山川險易並一二忠孝之正誠節義之慷慨俱羅列在目不至如前之湮沒而不彰庶竭駑鈍以補其缺典已耳何敢云作他日擬軒之使採擇而觀風與夫臨民者相其土俗人情之宜補偏救弊于其間而吏治蒸蒸不可謂非千慮之一得也後之君子覽其大概或易鄙里爲雅馴反朴拙爲古藻而使其彬彬可觀俚參考焉是又余創始之初心所深望也云爾

峕

雍正六年端月元日後五日

陽高縣孺學教授暫管訓導事前丁卯科舉人鄯陽蘇之芬撰

陽高縣志叙

邑之不可無志猶國之不可無史也國無史則無以考其興衰治亂是非得失之故而萬古如長夜邑無志則無以紀其山川土風人物地產之詳而所在皆迷津是以史遷作史記不獨墳典邱索必窮漸渺耳稗官野乘雜記外傳亦不廢採擇誠有取爾也則志與史並垂也寧顧問哉然而修志難而作志尤難蓋修則據前人之成跡而撮其要領倣其規模稍一筆削潤色而更新之無難自見所長作者憑空結撰罔所依稀非有上下千古之才無以定其規模非有淹貫經史之學無以俾其筆札非有大公無私虛以受益之器識胸襟無以訂疑而考信崇雅而黜浮則志之創始亦綦難矣陽高舊戎馬地自前明洪武定鼎始建城垣置官屬設衛而屯軍焉故前之人惟武備是修未遑文事沿今三百

餘載而志竟缺焉歲乙巳

皇上御極之三年

特允撫臣奏請改衛爲縣俾以禮教化民一時治績煥然改觀而風俗文章大有駸駸日上之勢鄴陽孝廉蘇先生自沃邑遷鐸吾鄉甫下車遍覓邑志弗得遂慨然曰有邑無志則山川何以著其靈異物產何以見其英華而且名公鉅卿文章節義何以信今而垂後正志而彰教異日者輟軒之使採風問俗其奚以應命爰是課業之暇或採郡志之遺編或訪父老之傳聞與夫一二生徒之記載時復酌以特見纂集成帙寧簡勿濫寧朴勿華寧過爲訂信勿輕爲傳疑提綱挈要則擷左馬之英華摘辭抒藻則發經籍之膏腴其安章頓句憂玉獻金則又取法於春秋之謹嚴者也方今

聖天子睿意求治命直省臣工遍采郡縣志彙入史館以備纂修
皇清大一統志而是書適成非惟陽高一隅用垂不朽其上勳

國家邇隆之化豈淺鮮哉則謂先生是志之作與諸史並傳也誰曰不宜
是爲叙

陽高縣拔貢生錢再春撰

志例十則

- 一 按山西省志式遵一統志縣隸山西則志當惟省是式夫省志古晉乘之遺出自董狐司馬氏筆爲後世志史鼻祖其義正其文簡而不里今志編門分類取以爲楷因舊章也
- 一 疆域星野不有圖考何以審形勢察祲祥而爲制馭敬時之計故繪以圖而詳其說便觀覽資修省也
- 一 分門別類稱詳也詳則用之以約故各以名義所近者附於列卷而不復細分卷帙以相凌錯省繁文惜物力也
- 一 稽核不厭精詳也謂之實錄信者必傳疑者缺焉不欲以受疑于世者還以疑世也所以崇志體示信史也
- 一 志之作也表忠孝之幽光振將來之風化凡善可錄行可述有關於世教者雖在編氓必傳其真其無關風教者雖在貴胄不溢其美存公道示不阿也
- 一 陽高在輿記爲九邊之地卽漢高帝被圍白登月暈七日以垂象者至明正統間爲王闔所誤致蒙塵土木後回鑾之日駐蹕於此總兵曹安獻食焉真邊陲要地今雖改縣凡一切古制兵戎必詳載者俾後有所考知要衝而謹防禦云
- 一 職官明初始建立城垣設總督以統重兵後裁焉弁陽和高山兩衛爲一官以征收賦稅而已今改縣凡守口鎖門皆隸焉至登記事蹟考之明代者居多故志之使後知沿革所

由也

一省志有雜著祥異仙釋及諸雜事縣無雜著及雜事可記志其祥異俾司民者知所恐懼
惕勵云爾

一藝文收錄不敢太繁惟於學校壇廟碑記以及忠孝節義之傳錄及名公所題咏聊志之
以示不忘也

一陽高素無志今初立焉雖間有錄本而所記事跡僅什一於千百雖此外細加採擇然猶
有世遠人湮而無考者有地勢隔濶而未聞者耳目所及難免脫漏君子不得以鹵莽訊
焉止以竭心力創規模以俟後人云

纂修姓氏

總裁

陽

高

縣

知

縣

房裔蘭

直隸欒城人壬午舉人

纂修

陽

高

縣

儒

學

教

授

蘇之芬

朔州人丁卯舉人

校閱

貢

生

錢謙

邑人

拔

生

馬光圖

邑人

貢

貢

生

錢再春

邑人

廩

生

楚成大

邑人

廩

膳

生

員

倉大年

邑人

廩

膳

生

員

賈法誼

邑人

廩

林洪郊

邑人

廩

吳永發

邑人

廩

劉戩

邑人

廩

郭儒大

邑人

增

採輯

生

廣

生

員

廷元

邑人

董

成

邑人

員

蘇

淵

邑人

董

五

教

邑人

錢

復

邑人

林

莒

邑人

張

恭

邑人

林

洪

郡

邑廩生

陽高縣志目錄

卷之一

野星

氣候古驗附

輿圖

巡幸

沿革

建置附

卷之二

山川

八景附

土產

田賦

戶口

風俗

祠宇

卷之三

公署

職官

名宦

鄉賢

卷之四

學校

教法

選舉

人物

流寓仙跡附

卷之五

古蹟

陵墓附

祥異

武備

卷之六

文藝


目錄

陽高縣志卷之一

星野 氣候占驗附


周禮保章氏以星土辨九州之域皆有分星以察妖祥而參爲晉星子產昔言之矣禹貢冀州之域當參實沈之次於辰在申酉之交于州爲益晉魏之分也而非宿附入焉然晉志又謂雲中入東井一度爲昴畢分野史記曰昴畢冀州晉天文志曰自胃七度至畢十一度爲大梁趙分野唐天文志曰胃昴畢大梁也初胃四度餘二千五百四十九抄入大梁中昴十度終畢六度天原發微曰胃七至畢十一辰酉曰作讎律姑洗斗辰趙分野費直周易說曰起婁十度蔡邕月令章句曰起胃一度金史曰胃四度二十四分三十二抄外入趙分大梁之次雖度數起終稍有不同而大梁之爲趙其占爲昴畢則無不同也陽高密邇大同其亦爲昴畢分野是也而占候燮理於是考焉漢人有言曰陰陽之精其本在地上發於天德隆則晷星星隆則晷德惟氏司牧懋厥德以承天序事而脩教則七曜順軌百祥駢集蓋自然之符也作星野志

昂圖




昴十一度下爲日月中道天之耳目也主西方主獄張衡曰昴明則訟獄平文第七星爲旄頭主邊發惑守其北燕趙兵起太白守之邊兵動天阿一星在胃東月一星在昴東主女人災福天陰五星在畢柄西主從天子弋獵之臣天苑十六星在昴畢如環狀天子苑囿養禽獸之所也芻藁六星在苑西以供苑養也卷舌六星主口語以知讒佞張衡曰主樞機曲而靜則賢人用直而動則讒人得志天讒一星在卷舌則主醫巫礪石四星在五車北主磨礪鋒刃



畢圖



○
天關




○
附耳



畢十七度主邊兵弋獵其大星曰天高一曰邊將明大則遠方來貢失色邊兵亂動搖邊兵起甘氏曰畢主街巷陰雨天之雨師也張衡曰畢爲天馬昴畢間二星曰天街主國界金火守之邊兵起附耳一星在畢下主聽得失星盛主中國微有盜賊邊候警動移則讒佞行兵大起天節八星在畢南主使臣之所持也諸王六星在五車南主宗藩天高四星在參旗西畢近北此臺榭之高主遠望氣象不見官失守五車五星三桂九星主天子五兵北曰天庫主秦東北曰天獄主燕趙東南曰天蒼主衛魯中央曰司空主楚西南曰卿主魏五星有變各以所主占之又填星舍五車燕代大旱三桂一曰三泉一曰休一曰旗五星明桂皆見則倉廩實一曰天子得靈臺之禮則五車三桂均明有常天潢五星在五車中主河梁津度咸池三星在天潢南魚圍也天關一星在五車南亦曰天門主邊事主關閉參旗九星在參西五車之間天旗也明而希則邊警不動流星入北地兵起玉井西南九星曰九旂天子之旗也主邊軍進退金火守之兵亂起天苑之南十三星曰天園植果菜所也

井圖



井三十四度廿氏云主泉日月五星貫之爲中道石氏謂之東井主諸侯帝戚三公之位故明大則封侯建國張衡曰天之南門也黃道所經爲天之亭侯主水衡事法令所取平也王者用法平則井明而端列鉞一星附井前南北兩河各三星分夾東井主開梁三光之常道也張衡曰河北星不具則北道不通南亦如之天樽三星在五諸侯南主給貧餒明則豐諸侯五星在東井東北主治陰陽察得失明大潤澤則天下治積水一星在北河北不見爲災積薪一星在積水東以備庖厨明則人主康水府四星在東井西南而東則爲水位四星俱主水衡四瀆四星在東井南江淮河濟之積精也軍市十三星在參東南天軍貨易之事野雞一星主變怪在軍市中軍市西南二星曰丈人丈人東二星曰子又東二星曰孫闕邱二星在南河東主象魏狼一星在軍市東南爲野將變色動搖盜賊作弧矢九星常向千狼引滿則兵大起老人一星在弧南一曰南極常以秋分之旦見於丙明大則人主壽昌天下安寧

氣候

陽高在山西之北地勢最高暮春猶寒初秋多霜冬極冷凍出成一季

占驗

劉知幾曰兩曜日星麗於大象非如九州萬國廢置無常故海田可變而景緯無易嘗考諸占驗之應魯僖公二十四年歲星入實沈之次晉文公卽位周考王八年彗星見於晉秦伐


涿川漢高帝七月暈圍參畢七重帝被圍白登七日乃解孝文二年天攙夕出西南上郡雲中騷然元帝永光元年白氣出西南從地至天經參下貫天厠石顯譖毀周堪張猛劉更生等既殺魏郡太守京房晉惠帝元康三年鎮星歲星太白俱聚昴畢後賈后陷太子趙王淪廢后殺之成帝咸和八年癸惑入昴是月石勒死石季龍自立多所攻沒穆帝永和五年月犯昴再閔殺趙十餘萬人趙地大亂哀帝太和二年太白入昴後二年慕容暉據并冀十年太白晝見於昴畢趙魏兵連相攻北齊河清六年夜月掩畢高歸彥以反誅唐代宗大歷七年長星見參星下其長亘天時李正己出承嗣李寶臣等相蟠結拒命他如癸惑退舍宋公延齡中台告拆晉相速禍星集潁川而賢人聚月犯少微而處十亡如斯之類皆諸史所載昭然較著敬天勤民者不可不加意焉

輿圖

昔軒轅氏達道里之遠近度地居民自井遂溝洫推之畿甸要荒內而於外而邊鄙各分其土各子其民廣狹不一辨方守土各謹封域至周又以戢方氏掌天下之圖以掌天下之地辨其邦國都鄙與其財用九穀六畜之數要周知其利害乃辨九州之國使同貫利故營洛而作獻圖入關而收秦籍從古如斯誠重之也陽高地逼邊陲爲山西之肩背神京之咽喉乃北門一要衝也審利圖便防禦不可不慎也故志輿圖

按山川城郭前已詳言之矣
但山勢蟠結川原縈繞與夫
城池初宇村堡離宮未幾星
羅滿目其何以按圖而指掌耶
爰畫圖於左以便觀覽云

陽高山川圖




許家園

皂兒峯

柳林河

陽高城

白登河



守口河

太師庄


小村兒

開山口

斷頭山

地圖

陽高東路村保去圖



陽和塔

汪家屯

獅子屯


潘家屯

蘇家屯

吳家河

柳家泉

沙河墩



柳家堡

蘇家堡


馬家堡

吳家堡

莫家堡



陽高東路村保去圖



石殿

謝家屯

李官屯

先農壇

神峯寺


東關

財神廟


保安寺

東夾牆

陽高西路村堡圖



鹿角溝



太師庄

織錦庄





演武場

西關



三義廟





馬市 虎兜山

猴兜山

守口堡

清魯堡

柳樹巷

孫家堡

花家堡

麗家堡

小村兒

胡家堡

榆林堡

楚家堡

鄭家堡

年家溝

陽高南路村堡圖

淨土寺

周官屯

下梁源

上梁源

四百戶屯

南關

千佛寺

河上堡

河登白

燕窩

陳官屯

十里台

上吾其

古城堡

登白

小白登

劉指揮庄

乾庄梁

和堯庄

東井集


揚官屯


侯官屯

杏園村

凌家庄

大柳樹





唐家窑

青順堡

唐宮營

楊官屯

三里廟

閔帝廟

官行隍城

盧家窑

鋪里五

張家庄

樊家窑

朝陽寺

北沙嶺

金家庄

官庄子

滴滴水

康家窑

南沙嶺


安家灘

橋頭村

張官屯

王官屯

陽高城署圖



陽和台

牛家廟

草廠

水母廟

三教寺

城隍廟

文廟

東岳廟

鄉約所

觀祖

城守署

節孝祠

財神廟

三清觀

靈官廟


文殊廟

南寺

九天廟

娘娘廟

魁樓



縣境在大同府東一百廿里東至天鎮縣六十里西至
聚樂六十里南至東井集九十里北至邊牆十里
從縣城至

京城六百里至山西布政司七百四十里

巡幸

古者天子十二年一巡狩所在曰行在所至之處曰幸言

車駕所在臣民被其德澤故曰幸也又曰帝所至見長吏三老官屬親臨軒作樂賜食或賜田租之半是謂之幸故伊祁遊華封而知祝有虞陟方岳而勤民禹巡庚辰周頌時邁聖作物覩德洋恩普甚盛事也嗣是而後或幸新豐而蠲租賦或幸辟雍而彰教化或御六師而振天威總以又安斯民大沛天澤盛德著於當時休聲傳於萬世詩書所載可考也今昭代之隆典上埒二帝雨露之溥濡遠邁三王此固史冊所頻書學士珥筆而載者也况陽高雖屬邊邑爲

巡幸所及而沾恩猶渥者哉是不可以不志

明正統十四年帝北狩回鑾駐蹕陽和

正德十二年九月帝幸陽和

國朝康熙三十五年因喀爾且跳梁

聖祖仁皇帝赫然震怒親統六師以行士民聞風扶老携幼歡來郊外跪接蒙天顏大喜諭令勿呵禁聽民瞻仰且傳

諭百姓俱要孝順父母各安本業士民又因錢糧折色運送艱苦在

駕前叩訴蒙

上諭運送艱難朕亦深知今新巡撫在大同你們問他設法隨

進城南街李監生房備爲行宮

駐蹕一晚次早

駕起士民遵

旨赴院投訴後來議定散戶零糧官收官解大戶或交官或自運聽民自便以免運送之苦後

又分喂馬匹折給旗兵民益沾

恩及奏凱

回鑾復幸陽高蒙

皇恩浩蕩

諭大同喂養馬匹百姓多有効力之處今喀爾且蕩滅宜沛膏澤將大同府屬地方三十六年分地丁錢糧槩行蠲免均沾實惠至今歌頌不置

沿革 建置附

自畫野分州建國君民都邑之設舊矣然事以時起制以代更其間因革損益通變宜民之道蓋隨乎其時焉耳秦并六國罷封建而置郡縣後又有爲部爲道爲軍爲路爲省之異制既不同名亦各別世更代裂有沿其土而更其名者有襲其名而非其地者有地遷而名亦革者離合糾紛幾於莫可辨識矣今據其地考其興廢稱名之實表而出之故志沿革

陽高爲古冀北域也秦平天下分爲三十六郡置雲中郡本城在其東爲雲陽地至漢高帝七年親征冒頓以精騎四十萬圍帝於平城卽古白登地陽高距白登二十里是爲白登地又按遼志青坡山在長青縣相傳卽今雲門山也則陽高又爲長青縣地明洪武三十一年廢白登命中山王徐達築陽和城周九里三十步高三丈五尺壕深三丈門三東曰成安西曰成武南曰迎暄上各建樓窩鋪十四外各建月城此陽和城所由始也天順二年始城高山與陽和爲二衛以指揮千戶領之萬歷壬辰東路范錫磚包東關堅且嚴整崇禎四年總督魏雲中于敵臺上每面修敵樓六座磚包壁立屹然景太元年設立督府駐以大兵於是陽和稱雄鎮成化十八年置儒學文經武緯規模大備

國朝順治三年革去衛指揮千戶世襲之官廢高山城併兩衛爲一曰陽高衛掌印一員領之順治五年姜瓖叛移府治於陽高城陟衛爲府今雲中郡坊其遺蹟也順治八年總督佟養量繡衣陳偉合疏請復大同府治陽高依舊爲衛治順治十三年裁去督府兵道等官所

存者通判城守儒學衛弁四員而已至

今上癸正三年又移中路通判駐衙府城改衛掌印爲縣尹改儒學教授爲訓導設典史一員凡鎮門守口皆隸焉是爲陽高縣規模制度一新而輿情泮宮將鼓舞興行而更化焉其舊制十八舖屬所十今改爲都陽和五都曰左右中前後高山五都亦以是稱然都雖十名區分三路則遠近村疇應爲臚列以便觀覽焉

東路

李官屯

謝家屯

夏家場

柳林堡

楊家堡

馬家庄

王家庄

北徐家屯

姚家庄

沙河墩

柳家泉

吳家河

羅家屯

獅子屯

汪家屯

西雙寨

陽和塔

蘇家窩

燕窩村

上梁源

下梁源

席家灣

謝家庄

陳家堡

管家堡

太平堡

羅文皂

吳家堡

孤山廟

滴台墩

莫家堡

南徐屯

六墩子

頭墩子

平山墩

三墩子

十九墩

織錦庄

鹿角溝

小村兒

顏家溝

劉家庄

惡石村

重興鎮

北沙嶺

潘家屯

紀家庄

虎頭山

二墩子

許家園

七墩子

水磨口

孫仁堡

花家窩

楚家窩

唐家窩

康家窩

許家窩

王官屯

張家庄

黃土兒

黃土梁

窩兒溝

三墩子

鎮門堡

四墩子

榆林口

太師庄

胡家窩

鄭家窩

盧家窩

都司口

石窩子溝

南沙嶺

西楊官屯

西路

青順堡

唐官營

金家庄

橋頭村

張官屯

賈峯村

滴滴水

中吊兒

下吊兒

上富家寨

下富家寨

上泉村

齊家窩

馬官屯

賞家庄

馬家半坡村

王千戶嶺

相家庄

賀家塔兒村

安家灘

天橋兒

靖魯堡

范家窩

閻家窩

羅家嶺

胡成嶺

宋家墳

宋家溝

堡子灣

守口堡

小龍王廟

杏元村

磚樓上

土嘴口

乳頭山

白沙灘

朝陽村

馬家窩

石廠村

小南路

八里墩

大白登

小白登

四百戶屯

周官屯

陳官屯

高山兒屯

侯官屯

董家屯

關家窩

高官屯

田家屯

趙家寨

張連庄

閻家屯

上辛庄

林家庄

東井集上堡

趙家窩

永安堡

小石庄

西要泉

南杏元

後營村

碾兒頭

曹家庄

南楊官屯

田家寨

腰庠村

普家梁

古城堡

下辛庄

趙家村

東井集下堡

侯家窩

上大柳樹村

西垣坡

北杏元

上吾其

楊家塔兒村

石家庄

西嶺村

吳家屯

劉指揮庄

按馬溝

咎家娘子村

漫流堡

和堯庄

晏頭村

許家窩

下大柳樹村

神全窩

沿革